

miscibilia dari nunc plura nunc pauciora, indeq; oriri compositionem nunc majorem, nunc minorem pro illorum ratione atq; indole. Sic in mineralibus, in plantis, in animalibus quatuor dantur elementa, & pro variâ illorum mixtione corpora habentur composita, compositiora, compositissima. Hic verò notes velim; quod, cum Materiam nos dicimus corpus, hoc accipi debeat in modum partis, neutiqvam verò in modum totius. Nam sic materia non est corpus, sed potius materiatum. Præterea, quod miscibilia illa, quibus materia redditur composita, rationem materiæ habeant, formæq; adeò subjiciantur & cum eâ demum mundi speciem constituent. Sic Hominis Materia, quot quæso includit formas? Hinc corpus est, suas habens materias, suas formas. Cum tamen formæ hæ omnes humanæ sint subjectæ animæ & cum eâ hominem demum constituent, materiæ indolem induunt.

SECTIO SECUNDA

tradens

Confectaria Materiæ

quorum

Primum

ita habet

Materia competit Corporibus naturalibus & omnibus & solis.

§. I. Materiam competere omnibus corporibus naturalibus sive constituenda illa sive constituta sint, luculenter admodum patescit, quia eorundem essentielle constituens est. Non enim sola forma, sed unâ cum forma Materia quoq; corpus naturale constituit. Unde Materiæ primum dicitur manus esse recipere formam & constituere corpus. Quod si verò corpus non haberet materiam, mera ac nuda forma sicq; adeò discrimen inter corpus & Spiritum nullum esset. Monstrat præterea, materiam omnibus corporibus naturalibus competeire, quantitas, quæ insequitur materiam & omnibus
corpo-